



Bosnia and Herzegovina  
Federation of Bosnia and Herzegovina

**CANTON SARAJEVO**  
**Anti-Corruption and Quality Control Office**

**Broj:** 20-04-14031-6/21  
**Sarajevo,** 20.05.2021. godine

**SKUPŠTINA KANTONA SARAJEVO**  
**SLUŽBA ZA SKUPŠTINSKE POSLOVE**  
*n/r sekretara Skupštine*

**Predmet:** Informacija o nadzoru implementacije Zakona u skladu sa Zaključkom Skupštine Kantona Sarajevo, dostavlja se.-

**Veza:** Vaš akt broj: 15-04-10974-1/21 od 26.03.2021. godine

U prilogu akta dostavljamo vam Informaciju o nadzoru implementacije Zakona u skladu sa Zaključkom Skupštine Kantona Sarajevo broj: 01-04-10974-1/21 od 22.03.2021. godine, vezano za Vaš akt broj i datum veze.

S poštovanjem,

**ŠEF UREDA**

Erduan Kafedžić

Prilog: kao u tekstu.

Dostaviti:

1. Naslovu;
2. a/a.



Bosna i Hercegovina  
Federacija Bosne i Hercegovine  
**KANTON SARAJEVO**  
Ured za borbu protiv korupcije i  
upravljanje kvalitetom



Босна и Херцеговина  
Федерација Босне и Херцеговине  
**КАНТОН САРАЈЕВО**  
Уред за борбу против корупције и  
управљање квалитетом

Bosnia and Herzegovina  
Federation of Bosnia and Herzegovina

**CANTON SARAJEVO**  
**Anti-Corruption and Quality Control Office**

**Broj:** 20-04-14031-6/21  
**Sarajevo,** 20.05.2021. godine

INFORMACIJA O NADZORU IMPLEMENTACIJE ZAKONA U SKLADU SA ZAKLJUČKOM  
SKUPŠTINE KANTONA SARAJEVO BROJ: 01-04-10974-1/21 od 22.03.2021. godine



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.



## I. UVOD

Uredbom o osnivanju Ureda za borbu protiv korupcije i upravljanje kvalitetom Kantona Sarajevo - Prečišćeni tekst ("Službene novine Kantona Sarajevo", broj: 40/20) propisane su nadležnosti Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured), u kojoj je navedeno da Ured vrši stručne, operativne i administrativno tehničke poslove u vezi sa:

- provođenjem Zakona o prijavljivanju i postupku provjere podataka o imovini nosioca javnih funkcija u Kantonu Sarajevo;
- kontrolom javnih nabavki, koja podrazumijeva kontrolu zakonitosti i kontrolu svrsishodnosti svih javnih nabavki koje provode ugovorni organi čiji je osnivač Kanton Sarajevo;
- aktivnostima na prevenciji korupcije, kao i prikupljanju podataka i prijavljivanju nadležnima uočenih koruptivnih aktivnosti u Kantonu Sarajevo i
- uspostavljanjem, provođenjem i kontrolom sistema upravljanja kvalitetom u organima uprave i službama Kantona Sarajevo.

Za potrebe provođenja aktivnosti iz utvrđenih nadležnosti Ured uspostavlja i upravlja jedinstvenim antikorupcionim informacionim sistemom.

U skladu s prethodno navedenim primarnim nadležnostima Ureda, u nastavku Informacije dostavljamo prikupljene podatke i zaključke sa aspekta prevencije i borbe protiv korupcije, a u vezi **Zaključaka Skupštine Kantona Sarajevo** broj: 01-04-10974-1/21 od 22.03.2021. godine koji je dostavljen u prilogu akta Službe za skupštinske poslove Kantona Sarajevo broj: 15-04-10974-1/21 od 26.03.2021. godine. Navedenim Zaključkom Skupština Kantona Sarajevo, u tački 5. zadužila je Ured da nadzire implementaciju Zakona - Zakona o izmjena i dopunama zakona o ublažavanju negativnih ekonomskih posljedica i uštedama u Kantonu Sarajevo („Službene novine Kantona Sarajevo“, broj: 12/21) – (u daljem tekstu Zakon), te da o istom izvještava Skupštinu Kantona Sarajevo svakih 30 dana.

U cilju realizacije tačke 5. Zaključaka od 22.03.2021. godine, Ured se u okviru svojih nadležnosti obratio **Vladi Kantona Sarajevo** aktima broj: 20-04-14031-1/21 od 08.04.2021. godine i broj: 20-04-14031-3/21 od 04.05.2021. godine, a s ciljem provođenja aktivnosti kojima je zadužen Zaključkom, da nam dostave podatke i dokumentaciju o planiranim i preduzetim radnjama i aktivnostima Vlade Kantona Sarajevo, koje su definisane Zakonom i pojedinačnim tačkama Zaključaka Skupštine Kantona Sarajevo broj: 01-04-10974-1/21 (od tačke 1. do tačke 4.), a koje su većim djelom stavljene u nadležnost Vlade Kantona Sarajevo i o načinu na koji će se vršiti dalja provedba istih.

Pored navedenog, Ured je od **Ministarstva privrede Kantona Sarajevo** aktima broj: 20-04-14031-0/21 od 08.04.2021. godine i broj: 20-04-14031-2/21 od 04.05.2021. godine, zatražio da dostave podatke i dokumentaciju o planiranim i preduzetim radnjama, aktivnostima i provedbenim aktima, u vezi sa provođenjem Zakona. Ministarstvo privrede Kantona Sarajevo je dostavilo Informaciju broj: 07-02-14031-0/21 od 30.04.2021. godine, koju je Ured zaprimio 07.05.2021. godine.



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.



## II. ZAKON O IZMJENA I DOPUNAMA ZAKONA O UBLAŽAVANJU NEGATIVNIH EKONOMSKIH POSLJEDICA I UŠTEDAMA U KANTONU SARAJEVO („Službene novine Kantona Sarajevo“, broj: 12/21)

Zakon o izmjena i dopunama zakona o ublažavanju negativnih ekonomskih posljedica i uštedama u Kantonu Sarajevo („Službene novine Kantona Sarajevo“, broj: 12/21) – je dana 25.03.2021. godine obavljen u „Službenim novinama Kantona Sarajevo“, te je u članu 8. navedeno da Zakon stupa na snagu narednog dana od dana objavljivanja u „Službenim novinama Kantona Sarajevo“. Navedenim Zakonom je dopunjen Zakon o ublažavanju negativnih ekonomskih posljedica i uštedama u Kantonu Sarajevo („Službene novine Kantona Sarajevo“, broj: 18/20 i 46/20), čija je primjena počela u 2020. godini, te je pored ostalog propisana zakonska obaveza: za finansiranje cijele ili dijela minimalne mjesečne neto plaće na nivou FBiH za mjesece u 2021. godini za djelatnosti kojima je rad znatno otežan zbog posljedica uzrokovanih pandemijom koronavirusa, u skladu sa obezbijeđenim sredstvima, te za mogućnost finansiranja pripadajućih poreza i doprinosa na minimalnu mjesečnu neto plaću na nivou FBiH subjektima kojima Vlada KS svojom odlukom zabrani obavljanje djelatnosti, za period trajanja ove zabrane.

Zakon je donesen u cilju ublažavanja negativnih ekonomskih posljedica po privredu Kantona Sarajevo, a imajući u vidu velike negativne ekonomske posljedice koje su nastale u proteklom periodu i koje će nastati u narednom periodu kao posljedica stanja nesreće izazvane pandemijom koronavirusa i s obzirom da je velikom broju privrednih subjekata (u određenim periodima) zabranjeno obavljanje djelatnosti naredbama nadležnih organa i da je kod velikog broja subjekata došlo do poremećaja u poslovanju uslijed poremećaja na tržištu prometa roba i usluga. U cilju rasterećenja privrede, Zakonom su propisane taksativno određene mjere za ublažavanje negativnih ekonomskih posljedica.

Zakonom su propisani uslovi i načini pomoći privrednim subjektima i studentima pogođenim pogođenim koronavirusom, ukidanje plaćanja administrativne takse, sudske takse za upise privrednog društava u sudski registar i plaćanje takse u stečajnom postupku, komunalne takse za istaknutu firmu kada privredno društvo ili fizičko lice koje obavlja samostalnu djelatnost prvi put pokreće privrednu ili uslužnu djelatnost, turističke takse, naknade za općekorisne funkcije šuma, oslobođanje od plaćanja dijela uplate školarine, naknade za rad predsjednika i članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton, period neplaćanja ovih prihoda, odgoda primjene propisa kojima se uređuje namjensko korištenje prihoda, uštede u Budžetu Kantona Sarajevo, donošenje programa kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu izazvanih koronavirusom (COVID-19) i usklađivanje programa Vlade Kantona Sarajevo.

Članom 2. stav (5) Zakona propisano je *Vlada će osigurati finansiranje cijele ili dijela minimalne mjesečne neto plaće na nivou Federacije Bosne i Hercegovine za mjesece u 2021. godini za djelatnosti kojima je rad znatno otežan zbog posljedica uzrokovanih pandemijom koronavirusa, u skladu sa obezbijeđenim sredstvima.*

Dalje, članom 2. stav (7) Zakona propisano je *Na prijedlog Ministarstva privrede Kantona, Vlada može odlukom odobriti isplatu pripadajućih poreza i doprinosa na minimalnu mjesečnu neto plaću na nivou Federacije Bosne i Hercegovine subjektima kojima svojom odlukom zabrani rad, za period trajanja ove zabrane.*

Kako je članom 10. Zakona navedeno da se takse, članarina i naknade iz člana 4.,5.,6.,7.,8. i 9. Zakona neće plaćati za vrijeme stanja nesreće i 60 dana po prestanku stanja nesreće uzrokovane



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.



koronavirusom, te kako trenutno nije proglašeno stanje nesreće, odredbe navedenih članova nisu primjenjive.

Navedenim Zakonom nije određen organ koji će biti stvarno nadležan za vršenje nadzora nad provedbom Zakona i korištenjem javnih sredstava, kako u pravnom, tako ni u finansijskom pogledu.

Zakonom je predviđeno da je Vlada Kantona Sarajevo dužna dostavljati izvještaj o upravljanju Kreditno-garantnim fondom sa izvještajem o izvršavanju Budžeta Skupštini Kantona Sarajevo, kao i za **uspostavu Registra** sa ciljem transparentnosti i uvida u prikupljena i raspoređena sredstva, te za druge aktivnosti u skladu sa Zakonom.

### III. IZMJENE I DOPUNE PROGRAMA KRATKOROČNIH I SREDNJOROČNIH MJERA OD ZNAČAJA ZA UBLAŽAVANJE NEGATIVNIH EKONOMSKIH POSLJEDICA NA PRIVREDU U KS IZAZVANIH KORONAVIRUSOM – (Covid – 19) (Vlada Kantona Sarajevo od 09.04.2021. godine, broj: 02-04-17055-1.1/21)

Ministar privrede Kantona Sarajevo Rješenjem broj: 07-05-45-13367/21 od 26.03.2021.godine imenovao je Komisiju za izradu Prijedloga izmjena i dopuna Programa kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (COVID-19).

Ministarstvo privrede Kantona Sarajevo je u skladu sa odredbama Zakona, pripremlilo dokument *Izmjene i dopune programa kratkoročnih i srednjoročnih mjera od značaja za ublažavanje negativnih ekonomskih posljedica na privredu u KS izazvanih pandemijom koronavirusom.*

U skladu sa članom 2. stav (6) kojim je propisano *Vlada će na prijedlog Ministarstva privrede Kantona najkasnije u roku od 10 dana od dana stupanja na snagu ovog zakona (dana 26.03.2021. godine Zakon stupio na snagu) donijeti poseban akt o postupku finansiranja iz stava (5) ovog člana,* i temeljem člana 13. stav (3) Zakona, Komisija je pripremila prijedlog programa, te je isti prosljeđen Vladi Kantona Sarajevo, koja je dana 09.04.2021. godine broj: 02-04-17055-1/21 usvojila **Izmjene i dopune programa kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajevo izazvanih koronavirusom (u daljem tekstu Program).** Program je objavljen na web stanici Ministarstva privrede Kantona Sarajevo: <https://mp.ks.gov.ba/>.

Programom su predviđene **Kratkoročne i srednjoročne** mjere od značaja za ublažavanje negativnih posljedica na privredu u Kantonu Sarajevo izazvanih koronavirusom. U navedenom setu mjera, pored inkorporiranih mjera propisanih Zakonom, nalaze se projektirane mjere čije je provođenje neophodno da bi se izvršilo ublažavanje negativnih ekonomskih posljedica na privredu u Kantonu Sarajevo.

Izmjenama i dopunama programa u poglavlju V. Programa, *kratkoročnih i srednjoročnih mjera od značaja za ublažavanje negativnih ekonomskih posljedica na privredu u KS izazvanih pandemijom koronavirusom predviđen je značajan novčani iznos za implementaciju mjera sadržanih u programu:*

- 21.000.000,00 KM – Za finansiranje cijele ili dijela minimalne mjesečne neto plaće (u FBiH) za mjesec u 2021. godini po odlukama Vlade Kantona Sarajevo; Finansiranje pripadajućih



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.





poreza i doprinosa na minimalnu mjesečnu neto plaću (u FBiH) subjektima kojima je odlukama Vlade Kantona Sarajevo zabranjeno obavljanje djelatnosti;

- 1.500.000,00 KM - Za umanjene obaveze plaćanja članarine Turističkoj zajednici Kantona Sarajevo u iznosu od 50% za kalendarsku 2021. godinu;
- 2.000.000,00 KM - Umanjenje obaveze plaćanja naknade za općekorisne funkcije šuma u iznosu od 50%;
- 8.490.000,00 KM (Procjena visine obezbjeđenih kreditnih sredstva 90.000.000 KM) - Za godišnji program razvoja male privrede za 2021. godinu, planirana sredstva u iznosu od 8.490.000,00 KM sa rasporedom: 3.490.000,00 KM kao poticajna grant sredstva subjektima male privrede; 5.000.000,00 za obezbjeđenje kreditnih linija uz subvencioniranu kamatnu stopu;
- 6.100.000,00 KM – Povećanje iznosa sredstva namijenjenih redovnim podsticajima u poljoprivredi na području Kantona Sarajevo;
- 250.000,00 KM – Dodjela poticajnih sredstava za očuvanje i razvoj tradicionalnih zanata – obrta za 2021. godinu;
- 21.500.000,00 KM – Finansiranje materijalno socijalne sigurnosti nezaposlenih osoba na osnovu odredbi od člana 45. do 53. Zakona o posredovanju u zapošljavanju i socijalnoj sigurnosti nezaposlenih osoba FBiH (“Službene novine FBiH, broj 41/01, 22/05 i 9/08) i finansiranja zdravstvenog osiguranja za nezaposlene osobe na osnovu odredbi Zakona o zdravstvenom osiguranju (“Službene novine FBiH, broj 30/97, 7/02, 70/08 i 48/11);
- 4.356.427,00 KM – Program mjera za podsticaj zapošljavanja i održavanja više stope zaposlenosti u KS u 2021. godini.

U Programu, u poglavlju V, previđen je iznos od **148.946.427,00 KM** za implementaciju mjera sadržanih u programu i to u tabeli „Rekapitulacija za 2021. godinu“:

- **24.500.000,00 KM - Podrška likvidnosti privrede: 21.000.000,00 KM** - Direktna podrška privredi za zadržavanje nivoa zaposlenosti i očuvanja radnih mjesta i **3.500.000,00 KM** - Rasterećenje privrede za podršku likvidnosti kroz oslobođenje od plaćanja fiskalnih i parafiskalnih nameta;
- **99.590.000,00 KM – Podrška revizalizaciji privrede - kreditna sredstva i grantovi: 90.000.000,00 KM** - kreditna sredstva; **3.490.000,00 KM** - poticajna grant sredstva subjektima male privrede; **6.100.000,00 KM** - podrška poljoprivredi;
- **25.856.427,00 – Mjere socijalne politike: 21.500.000,00 KM** – Podrška osobama koje su ostale bez posla putem JU „Služba za zapošljavanje KS“ Sarajevo i **4.356.427,00 KM** – Podsticaj zapošljavanja i održavanja više stope zaposlenosti i poboljšanje strukture zaposlenih u KS.



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217

Sarajevo, Reisa Džemaludina Čauševića 1.



Navedenim programom naveden je period primjene mjera, odnosno subjekt, potrebne primarne aktivnosti za realizaciju mjera, nosioci provođenja ovih mjera i odgovorni koji prate provođenje mjera, te iznos i rok realizacije svake pojedinačne mjere.

Iako je Programom predviđen veći iznos novca, za mjere koje su određene Zakonom i koje su predmet implementacije nadzora u skladu sa Zaključkom, odnosno koji je predviđen za finansiranje cijele ili dijela minimalne mjesečne neto plaće ( u FBiH) za mjesec u 2021. godini po odlukama Vlade KS i finansiranje pripadajućih poreza i doprinosa na minimalnu mjesečnu neto plaću (u FBiH) subjektima kojima je odlukama Vlade KS zabranjeno obavljanje djelatnosti, planiran je iznos od 21.000.000 KM.

U Programu, poglavlje VIII, u dijelu implementacija mjere - Finansiranje cijele ili dijela minimalne mjesečne neto plaće (u FBiH) za mjesec u 2021. godini, navedeni su bazni elementi implementacije navedene mjere i to:

- Subjekti koji su isključeni iz finansiranja cijele ili dijela minimalne mjesečne neto plaće (u FBiH) za mjesec u 2021. godini;
- Donošenje pojedinačnih odluka Vlade Kantona Sarajevo kojima se odobrava finansiranje cijele ili dijela minimalne mjesečne neto plaće (u FBiH) za odnosni mjesec u 2021. godini;
- Uslovi za finansiranje cijele ili dijela minimalne mjesečne neto plaće (u FBiH) za Mjesec;
- Maksimalni iznos minimalne mjesečne neto plaće (u FBiH) koji se može uplatiti poslovnim subjektima koji ispunjavaju sve potrebne uslove za Mjesec i
- Postupak finansiranja cijele ili dijela minimalne mjesečne neto plaće (u FBiH) za mjesec u 2021. godini.

Dok su Programom, poglavlje IX, u dijelu implementacija mjere - Finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanje djelatnosti, određeni bazni elementi implementacije navedene mjere i to:

- Donošenje pojedinačne odluke Vlade Kantona Sarajevo kojom se odobrava finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti;
- Uslovi za finansiranje pripadajućih poreza i doprinosa na minimalnu mjesečnu neto plaću (u FBiH) za period zabrane rada i
- Postupak finansiranja pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti.

Donošenjem Izmjena programa, stvoreni su uslovi za donošenje pojedinačnih pravnih akata od strane Vlade Kantona Sarajevo i to **uredbi i odluka**, kojima će se urediti dalji postupci predmetnih finansiranja.



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.



#### IV. AKTIVNOSTI VLADE KANTONA SARAJEVO I MINISTARSTVA PRIVREDE KANTONA SARAJEVO U SKLADU SA PROGRAMOM

Iz Informacije dostavljene od Ministarstva privrede Kantona Sarajevo broj: 07-02-14031-0/21 od 30.04.2021. godine, utvrđeno je da je shodno izmijenjenom i dopunjenom programu kratkoročnih i srednjoročnih mjera, na prijedlog Ministarstva privrede Kantona Sarajevo, Vlada Kantona Sarajevo donijela:

- Uredbu o postupku finansiranja cijele ili dijela minimalne mjesečne neto plaće (u FBiH) za mjesec u 2021. godini (“Službene novine Kantona Sarajevo”, broj: 16/21);
- Odluku o odobravanju finansiranja cijele ili dijela minimalne mjesečne neto plaće (u FBiH) za mjesec mart i april 2021. godine (“Službene novine Kantona Sarajevo”, broj 17/21);
- Odluku o odobravanju finansiranja pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti („Službene novine Kantona Sarajevo“, broj:17/21).

Uredba o postupku finansiranja cijele ili dijela minimalne mjesečne neto plaće (u FBiH) za mjesec u 2021. godini, objavljena je dana 22.04.2021. godine u „Službenim novinama Kantona Sarajevo“, i ista je stupila na snagu narednog dana od objavljivanja u „Službenim novinama Kantona Sarajevo“.

1. Ministarstvo privrede Kantona Sarajevo je dana 30.04.2021. godine, broj: 07-02-11-19818/21, objavilo **Javni poziv za finansiranje cijele ili dijela minimalne mjesečne neto plaće (u FBiH) za mjesec mart i april 2021. godine**. Navedenim pozivom definisano je: predmet poziva (poziv poslovnim subjektima koji ispunjavaju uslove), subjekti koji su isključeni iz finansiranja cijele ili dijela plaće, pravo učešća (uslovi koje poslovni subjekti moraju ispuniti da bi ostvarili pravo na uplatu), uslovi za ostvarivanje prava na uplatu (uslov prometa, uslov zaposlenosti, uslov javnih prihoda, iznos cijele ili dijela minimalne neto plaće koji se uplaćuje), podnošenje prijave, dokumentacija (definisano koji dokumenti i način ovjere istih), izbor korisnika i pravna zaštita (način izbora korisnika sredstava i pravo na prigovor), rok za dostavljanje prijave, mjesto i način podnošenja prijave i ostale odredbe. Pored Javnog poziva objavljen je i Obrazac 1 - Prijava na javni poziv za finansiranje cijele ili dijela minimalne mjesečne neto plaće (u FBiH) za mjesec mart i april 2021. godine, koju podnosilac prijave obavezno popunjava, ovjerava potpisom ovlaštenog lica i pečatom poslovnog subjekta. Navedenim javnim pozivom taksativno i detaljno su navedeni koraci koje poslovni subjekt mora ispunjavati i način apliciranja na javni poziv.
2. Ministarstvo privrede Kantona Sarajevo je dana 30.04.2021. godine, broj: 07-02-11-19956/21 objavilo **Javni poziv za finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine**. Navedenim pozivom definisano je: predmet poziva (poziv poslovnim subjektima koji ispunjavaju uslove), pravo učešća i uslovi, podnošenje prijave, izbor korisnika i pravna zaštita (način izbora korisnika sredstava i pravo na prigovor), rok za dostavljanje prijave, mjesto i način podnošenja prijave i ostale odredbe. Pored Javnog poziva objavljen je i Obrazac A- Prijava na javni poziv za finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine, koju podnosilac prijave obavezno popunjava, ovjerava



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.





potpisom ovlaštenog lica i pečatom poslovnog subjekta. Navedenim javnim pozivom taksativno i detaljno su navedeni koraci koje poslovni subjekt mora ispunjavati i način apliciranja na javni poziv.

**Zadnji dan za prijavu na Javne pozive je 15.05.2021. godine.** Navedeni javni pozivi objavljeni su na web stanici Ministarstva privrede Kantona Sarajevo: <https://mp.ks.gov.ba/>. Pregled prijave i dokumentacije, obradu i kontrolu podataka, te ocjenu o ispunjavanju uslova vršit će stručna lica imenovana rješenjem Ministarstva privrede Kantona Sarajevo. Ministarstvo privrede Kantona Sarajevo objavljuje Odluku Vlade Kantona Sarajevo, te potom Listu poslovnih subjekata koji ispunjavaju uslove, kao i Listu poslovnih subjekata koji ne ispunjavaju uslove. Poslovni subjekti koji budu smatrali da je njihovo pravo povrijeđeno imaju pravo na prigovor Komisiji putem Ministarstva privrede Kantona Sarajevo, u roku od 7 (sedam) dana od dana objave liste. Komisija rješava po prigovorima najkasnije u roku od 60 (šezdeset) dana.

Navedenim javnim pozivima – prilozi Obrazac 1 i Obrazac A, predviđeno je da će se u postupku kontrole namjenskog korištenja odobrenih budžetskih sredstva primjenjivati Uredba o budžetskom nadzoru u Federaciji Bosne i Hercegovine („Službene novine Federacije BiH“, broj: 34/14) kao i drugi odnosni zakonski propisi.

## V. PRETHODNE AKTIVNOSTI UREDA

Na inicijativu Ureda, te kako bi se podaci o dodjeli novčanih sredstva učinili javno dostupnim, u suradnji sa Ministarstvom privrede Kantona Sarajevo uspostavljena su dva Registra:

- Registar poticaja razvoja male privrede u Kantonu Sarajevo i
- Registar korisnika podsticaja u poljoprivredi na području Kantona Sarajevo.

Registar poticaja razvoja male privrede u Kantonu Sarajevo je jedinstvena evidencija podataka o poticajima dodijeljenim u skladu sa Zakonom o poticaju razvoja male privrede u Kantonu Sarajevo ("Službene novine Kantona Sarajevo", broj: 29/15), koji se vodi u elektronskoj formi.

Registar korisnika podsticaja u poljoprivredi na području Kantona Sarajevo je jedinstvena evidencija podataka o korisnicima podsticaja u poljoprivredi na području Kantona Sarajevo, dodijeljenim u skladu sa Zakonom o novčanim podsticajima u poljoprivredi na području Kantona Sarajevo ("Službene novine Kantona Sarajevo", broj: 1/12 i 15/13) koji se vode u elektronskoj formi.

Navedeni Registri imaju za cilj prevenciju i otkrivanje sukoba interesa i zloupotrebe javnih sredstva, te uspostavu sistema transparentnosti javne vlasti u Kantonu Sarajevo, vraćanje povjerenja u institucije, omogućavanje analize poticaja, unapređenje cjelokupnog procesa upravljanja poticaja razvoja male privrede i podsticajima u poljoprivredi kao i donošenje novih rješenja na temelju detaljnih analiza. U istim će biti prikazani svi poticaji, iznosi poticaja, korisnici poticaja kao i naziv modela poticaja.

Iznos koji je predviđen Izmenama Programa u djelu „Rekapitulacija“ za 2021. godinu za Poticajna grant sredstva subjektima male privrede je 3.490.000,00 KM i Podrška poljoprivredi u iznosu od 6.100.000,00 KM, te će podaci o navedenim pozivima i dodjeli biti prikazani u uspostavljenim Registrima.

Sama uspostava Registara je izvršena na osnovu Odluke o Registru korisnika podsticaja u poljoprivredi na području Kantona Sarajevo („Službene novine Kantona Sarajevo“, broj: 11/21 od



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.



18.03.2021. godine) i Odluke o Registru poticaja razvoja male privrede u Kantonu Sarajevo („Službene novine Kantona Sarajevo“, broj: 11/21 od 18.03.2021. godine).

Ured uspostavlja i vodi Registar u skladu sa odredbama navedenih Odluka, dok podatke definisane odlukom u Registar unosi ovlašteno lice Ministarstva privrede Kantona Sarajevo.

## VI. ZAKLJUČAK

- Sa aspekta sprečavanja i borbe protiv korupcije u oblasti privrede, neophodno je učiniti javnim dostupnim podatke o načinu dodjele javnih sredstava kroz pojedine programe i poticaje poslovnim subjektima i fizičkim licima. Dodjela javnih sredstava iz Budžeta Kantona Sarajevo kroz poticaje i javne pozive, poslovnim subjektima koji ispunjavaju uvjete iz poziva, stvara obavezu da cijeli postupak bude što jasniji i transparentniji. Sa ciljem eliminacije zloupotreba i prevencije korupcije potrebno je uspostaviti Registre i za ostale oblasti – poticaje (do sada su uspostavljena dva Registra), u koje će su unositi podaci o dodijeljenim sredstvima i poslovnim subjektima kojima su dodijeljena sredstva.
- U skladu sa svojim nadležnostima Ured, može vršiti nadzor nad implementacijom Zakona isključivo na osnovu dokumentacije i podataka dostavljenih od strane nosioca provođenja mjera, a to su Vlada Kantona Sarajevo i Ministarstvo privrede Kantona Sarajevo, i uvidom u uspostavljene Registre Ureda.
- Uspostavom Registra poticaja razvoja male privrede u Kantonu Sarajevo i Registra korisnika podsticaja u poljoprivredi na području Kantona Sarajevo, čija je primjena počela nedavno i u koji se unose podaci, svi naredni pozivi i poticaji koji budu iz te oblasti će biti uneseni u isti, te će biti predmet nadzora Ureda u skladu sa propisanim nadležnostima. U narednom period moći će se pratiti postupak dodjele javnih sredstava, a koji će biti dostupan korisnicima i široj javnosti putem online platforme.
- Ured nema nadležnosti za provođenje pojedinačnih mjera propisanih Zakonom i Programom, te je nadzor nad implementacijom Zakona, moguće izvršiti isključivo sa aspekta uočavanja i sprečavanja radnji koje mogu imati koruptivne elemente. Ured ima uspostavljen **Registar prijava korupcije i drugih nepravilnosti**, te svaka zaprimljena prijava koja se bude odnosila na nepravilnosti prilikom dodjele sredstava putem podsticaja/ mjera/ javnih poziva propisanih Zakonom, bit će predmet provjere osnovanosti navoda od strane Ureda. U skladu sa nadležnostima Ureda koje se odnose na postupanje po zaprimljenim prijavama korupcije i drugih nepravilnosti, navodimo da Ured svakodnevno zaprima prijave, vrši njihovo evidentiranje, razmatranje osnovanosti kao i provjere navoda iz istih, te nakon toga vrši eventualno prosljeđivanje prijava nadležnim organima na postupanje. Uvidom u navedeni Registar, do dana sačinjavanja ovog akta, utvrđeno je da nije zaprimljena ni jedna prijava koja se odnosi na raspisane Javni pozive Ministarstva privrede Kantona Sarajevo od 30.04.2021. godine.
- U skladu sa Zaključkom Skupštine Kantona Sarajevo, Ministarstvo finansija Kantona Sarajevo dužno je osigurati kontinuirano praćenje zakonske implementacije subvencije u cilju redovne isplate plata radnicima.
- Imajući u vidu da je zadnji dan za prijavu na Javne pozive 15.05.2021. godine, u narednom periodu će biti pregled prijava i dokumentacije, obrada i kontrola podataka, te ocjena o



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.



ispunjavanju uslova od strane stručni lica imenovani rješenjem Ministarstva privrede Kantona Sarajeva. Na osnovu raspisanog Javnog poziva za finansiranje cijele ili dijela minimalne mjesečne neto plaće (u FBiH) za mjesec mart i april 2021. godine i Javnog poziva za finansiranje pripadajućih poreza i doprinosa na minimalnu mjesečnu neto plaću (u FBiH) za period trajanja zabrane obavljanja djelatnosti u mjesecu martu i aprilu 2021. godine, pravo učešća imali su svi poslovni subjekti koji ispunjavaju taksativno navedene uslove iz javnog poziva, a koji poziv je javno objavljen na web stanici Ministarstva privrede Kantona Sarajeva. Poslovni subjekti koji budu smatrali da je njihovo pravo povrijeđeno imaju pravnu zaštitu, pravo na prigovor Komisiji putem Ministarstva privrede Kantona Sarajeva, u roku od 7 (sedam) dana od dana objave liste. Komisija rješava po prigovorima najkasnije u roku od 60 (šezdeset) dana.

- Kako se radi o dodjeli budžetskih sredstava, potrebno je osigurati pojačan nadzor od strane Budžetskog inspektorata Ministarstva finansija Kantona Sarajeva.
- Ističemo da je prilikom provođenja postupka dodjele budžetskih sredstava, potrebno djelovati s dužnom pažnjom, striktno primjenjujući relevantne propise – Zakon o ublažavanju negativnih ekonomskih posljedica i uštedama u Kantonu Sarajeva (“Službene novine Kantona Sarajeva“, broj 18/20, 46/20 i 12/21), Uredba o budžetskom nadzoru u Federaciji Bosne i Hercegovine („Službene novine Federacije BiH“, broj: 34/14), Program, Izmjene i dopune programa kratkoročnih i srednjoročnih mjera od značaja za ublažavanje negativnih ekonomskih posljedica na privredu u Kantonu Sarajeva izazvanih koronavirusom i podzakonske akte koji regulišu ovu oblast, a sa ciljem najefikasnije dodjele i korištenja budžetskih sredstva.

**Napomena:** Ured se aktima broj: 20-04-14031-1/21 od 08.04.2021. godine i broj: 20-04-14031-3/21 od 04.05.2021. godine obrati Vladi Kantona Sarajeva za dostavu dokumentacije i podataka, no do trenutka pisanja informacije nismo zaprimili odgovor, tako da nismo u mogućnosti dostaviti potpuniju informaciju.

S poštovanjem,

Erduan Kafedžić

Dostaviti:

1. Naslovu;
2. a/a



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217  
Sarajevo, Reisa Džemaludina Čauševića 1.

